

ԱՐՁԱՆԱԳՐՈՒԹՅՈՒՆ ԹԻՎ 7

ԿԻՐԱՌԱԿԱՆ ԱՐՎԵՍՏԻ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍՏ

11.03.2022թ.

Ք. ԻԶԵՎԱՆ

Նիստին ներկա էին խորհրդի բոլոր անդամները:

ՕՐԱԿԱՐԳ

1. Հաղորդում ավարտական աշխատանքների կատարման ընթացքի մասին:
(Զեկ. Վ. Ա. Աղաբաբյան)
2. Ավարտական աշխատանքների նախապաշտպանությունների և պաշտպանությունների ժամանակացույցների հաստատում: (Զեկ. Վ. Ա. Աղաբաբյան)
3. Հաղորդում 2-րդ կիսամյակի առաջին ընթացիկ քննությունների և ստուգումների նախապատրաստական աշխատանքների մասին: (Զեկ. Վ. Ա. Աղաբաբյան)
4. Կրթական ծրագրերի վերանայման աշխատանքային խմբերի կողմից իրականացված աշխատանքների ներկայացում: (Զեկ. ԿԾ ղեկավարներ)

Ֆակուլտետի խորհրդի նիստը բացեց և օրակարգը ներկայացրեց ղեկանի պաշտոնակատար, խորհրդի նախագահ Վ. Աղաբաբյան:

Օրակարգը հաստատելուց հետո նիստի մասնակիցները անցան օրակարգի հարցերի քննարկմանը:

ԼՍԵՑԻՆ.

Օրակարգի առաջին հարցի վերաբերյալ հանդես եկավ Վ. Ա. Աղաբաբյանը: Զեկուցողը ներկայացրեց ավարտական աշխատանքների կատարման ընթացքը, ամբիոնում կատարված քննարկումների արդյունքները: Նա նշեց, որ ավարտական աշխատանքների կատարման գործընթացը սկսվել է 2021-2022 ուստարվա սեպտեմբերից: Յուրաքանչյուր ղեկավար ամսվա մեջ որոշակի գրաֆիկով կոնսուլտացիոն հանդիպումներ է ունենում ուսանողների հետ: Զեկուցողը նշեց, որ

տվյալ պահին ուսանողների մեծ մասի նախագծային աշխատանքները ավարտված են: Մասնագիտական պրակտիկայի ընթացքում հիմնականում կատարված են նաև հետազոտական աշխատանքները: Զեկուցողը կարևորեց պրակտիկայի ընթացքում հետազոտական աշխատանքով զբաղվելը և նշեց, որ դա բավականին նպաստում է ավարտական աշխատանքի ընթացքին:

ԱՐՏԱՀԱՅՏՎԵՑԻՆ.

ՀԴՄ անդամ Ք. Մխիթարյան, ՀՆՄ անդամ Հ. Ասատրյանը:

ՈՐՈՇԵՑԻՆ.

Ավարտական աշխատանքների կատարման ընթացքը համարել բավարար:

ԼՄԵՑԻՆ.

Օրակարգի երկրորդ հարցի վերաբերյալ հանդես եկավ խորհրդի նախագահ Վ. Աղաբաբյանը: Զեկուցողը ներկայացրեց ավարտական աշխատանքների նախապաշտպանությունների և պաշտպանությունների ժամանակացույցների հաստատման կարգը: Նշվեց, որ հանձնաժողովի նախագահն է Ճարտարապետության և Շինարարության Հայաստանի ազգային համալսարանի «Դիզայնի» ամբիոնի դոցենտ, ՀՀ դիզայներների միության անդամ Տիգրան Միհրանի Սոսոյանը: Վ. Աղաբաբյանը նշեց, որ դիպլոմային աշխատանքների պաշտպանությունը, ըստ նախնական պայմանավորվածության, նախատեսվում է անցկացնել մայիսի 21-ին:

Զեկուցողը նշեց նաև, որ պետք է պաշտպանությունից առնվազը 2 շաբաթ առաջ մասնագիտական ամբիոնում կազմակերպել ավարտական աշխատանքների նախապաշտպանությունը, ինչը սահմանված է ավարտական աշխատանքների պատրաստման և գնահատման կարգով: Զեկուցողը առաջարկեց ապրիլին կազմակերպել ավարտական աշխատանքների դիտում-քննարկում՝ հաշվի առնելով կրթական ծրագրի առանձնահատկությունները:

ԱՐՏԱՀԱՅՏՎԵՑԻՆ.

ՀՆՄ անդամ Հ. Ասատրյանը, ՀԴՄ անդամ Բ. Մխիթարյանը, ՀՆՄ անդամ Ա. Չիրուխյանը:

ՈՐՈՇԵՑԻՆ.

16.04.22թ. կազմակերպել ավարտական աշխատանքների նախնական ղիտում-քննարկում, 07.05.22թ.՝ նախապաշտպանություն:

ԼՍԵՑԻՆ.

Օրակարգի 3-րդ հարցի վերաբերյալ հանդես եկավ խորհրդի նախագահ Վ. Աղաբաբյանը: Ձեկուցողը ներկայացրեց 2021-2022 ուստարվա 2-րդ կիսամյակի առաջին ընթացիկ քննությունների և ստուգումների կազմակերպման ընթացքը: Ձեկուցողը ներկայացրեց, որ 2021-2022 ուստարվա 2-րդ կիսամյակի ընթացիկ քննությունները և ստուգումները նախատեսվում են իրականացնել սահմանված կարգի համաձայն՝ նախօրոք կազմած ժամանակացույցով /ապրիլի 5-ից մինչև ապրիլի 9-ը/: Ձեկուցողը նշեց, որ քննության օրերը քննարկվել են դասախոսական կազմի, ուսանողների հետ, մոտ մեկ ամիս փակցված են և առարկություններ չեն եղել:

ԱՐՏԱՀԱՅՏՎԵՑԻՆ.

ՀԴՄ անդամ Բ. Մխիթարյանը, ՀՆՄ անդամ Հ. Ասատրյանը, Ա. Չիրուխյանը, Դ. Չիրուխյանը:

ՈՐՈՇԵՑԻՆ.

2021-2022 ուստարվա 2-րդ կիսամյակի ընթացիկ քննությունների և ստուգումների նախապատրաստական աշխատանքները համարել բավարար:

ԼՍԵՑԻՆ. —

Օրակարգի չորրորդ հարցի վերաբերյալ զեկուցեց «Գծանկարի, գունանկարի և քանդակի» կրթական ծրագրի ղեկավար Լ. Ֆլջյանը: Ձեկուցողը ներկայացրեց կրթական ծրագրի վերանայման աշխատանքային խմբերի կողմից իրականացված աշխատանքները: Լ. Ֆլջյանը նշեց, որ ընդհանուր առմամբ կրթական ծրագիրը

պատրաստ է 70%-ով: Նա նշեց, որ խնդիր կա որոշ կրթական ծրագրերի նկարագրիչների վերջնական տեսքի բերելու հետ: Զեկուցողը հայտնեց, որ նպատակահարմար է կրթական ծրագրի վերջնական տարբերակը ուղարկել արտաքին փորձաքննության:

ԱՐՏԱՀԱՅՏՎԵՑԻՆ.

Հ. Ասատրյան, Վ. Աղաբաբյան:

Դեկանի պաշտոնակատարը ևս մեկ անգամ դասավանդող դասախոսներին հորդորեց վերջնական տեսքի բերել նոր՝ 2022-26 կրթական ծրագիրը, հետևել ուսումնական պլանին և փորձել ավելի արդիական և մրցունակ ծրագիր ներկայացնել:

ՈՐՈՇԵՑԻՆ.

Կրթական ծրագրերի վերանայման աշխատանքային խմբերի կողմից իրականացված աշխատանքները համարել բավարար:

ՖԱԿՈՒԼՏԵՏԻ ԽՈՐՀՐԴԻ ՆԱԽԱԳԱՀ՝
ՔԱՐՏՈՒՂԱՐ՝

Վ. Ա. ԱՂԱԲԱԲՅԱՆ
Ք. Հ. ՄԽԻԹԱՐՅԱՆ